



**Kualidade Atendementu Bombeirus Timor-Leste
Mahein Nia Lian Nú. 75, 28 Abril 2014**



Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estados Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha publikasaun relatoriu sira ne'e la reprezenta vizaun husi Ajénsia Estados Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org

Konteudu Sira

Konteudu sira	2
Introdusaun	3
Metodolojia	4
Baze legal no serbisu Korpu Bombeirus Timor-Leste	4
Problema no Dezafiu Bombeirus	6
Saida maka Estadu halo ba preokupasaun hirak ne'e	8
Konkluzau	10
Rekomendasaun	11
Bibliografia	12

Kualidade Atendementu Bombeirus Timor-Leste

Introdusaun

Korpu Bombeirus Timor-Leste hanesan instituisaun Estadu nian ne'ebé husi inisiu harii iha tinan 1999 husi misaun Grupu Protesaun Sivil no Korpu Bombeirus Portuguêsa nian iha situasaun ne'ebé emerjensia hodi atende ba comunidade iha area emerjensia, no maioria serbisu voluntariu.¹

Inisiu natureza serbisu Korpu Bombeirus Timor-Leste halo atendementu iha area; hamate ahi iha area hotu ezemplu hanesan ahi han uma no ahi han rai no ailaran, (*combate incêndio*), sokoru da emerjensia, ajuda ema ne'ebé iha emerjensia, serbisu hanesan ambulansia, ajuda lori moras no ema tuur ahi (tuir natureza Portugal nian, lori ema moras), apoiu ba ema asidente tarifiku, salvamentu iha ba tasi, no fo apoiu ba comunidade, por ezemplu, wainhira iha dezastre naturais mosu, Korpu Bombeirus lori comunidade tau iha fatin ne'ebé seguru inklui sira nian sasan, no fo assistensia ba sira.²

Iha situasaun normal ka emerjensia serbisu Korpu Bombeirus nia kna'ar importante liu maka oinsa hamate ahi han uma wainhira akontesemente ahi han uma, inklui atu fó garantia siguransa husi ahi ba sidadaun hotu nia moris no sira nia sasan.³

Hanesan institusaun Estadu no funsionariu públiku, Korpu Bombeirus serbisu bazeia tuir lei funsionariu públiku nian no sira nia serbisu tuir lei ne'ebé defini tiha ona tenke serbisu semana-semana labele ki'ik liu oras haatnulu-resin-haat, maibe iha realidade Bombeiru serbisu liu tiha oras ne'ebé determina iha lei,⁴ maske sira serbisu diferente tebe-tebes husi funsionariu públiku sira seluk no sira moris tau iha perigu nia laran.

Alên de nune'e, wainhira akontesementu ahi han uma comunidade kestiona maka'as kona-bá serbisu Bombeirus ne'e rasik no atendementu ne'ebé dala barak ne'ebé tarde ka atraja. Nune'e mos wainhira comunidade husu ajuda ba Korpu Bombeirus adia no demora hela deit. Mosu lamentasaun no dúvidas tamba Korpu Bombeiru hanesan instituisaun Estadu ida, tamba sa maka halo atendementu ida ne'ebé tarde hela deit, relasaun ho atendementu profesional no diak husi instituisaun ida ne'e. Relatoriu simples ida ne'e atu responde perguntas tamba sa maka Korpu Bombeirus halo atendementu tarde?

¹ Aniversariu Bombeirus ba dala Sanulu Sab. 08 de Maiu de 2010, 09:55h, <http://timorleste.gov.tl/?p=2899&lang=tp>

² Assistensia, forneselementu be'e ba comunidade no ajuda sira seluk hanesan tasi ai, ahi ka fiu eletrisidade sira nebe fo ameasa ba uma comunidade.

³ Entrevista ho Komandante Korpu Bombeirus Dili, Sr. Cosme Camelo da Costa, iha loron 1 Abril 2014.

⁴ Oras serbisu no deskansu ba semana ida-ida, artigu 50, Estatutu Funsiaun Publiku, Lei no8/2008

Metodolojia

Metodolojia ne'ebé uza iha relatoriu badak ida ne'e maka liu-husi estudu análise ba dokumentu sira ne'ebé iha ninia relevansi, entrevista ho membru ka komandante Korpu Bombeirus. Iha mos informasaun balun ne'ebé foti husi no sita iha relatoriu ne'e mai husi jornal nasional, observasaun direita husi hakerek na'in ba iha terenu no diskusaun internal *Security Sector Discussion* (SSD) iha Fundasaun Mahein (FM).

Baze legal no serbisu Korpu Bombeirus Timor-Leste

1. Baze legal

Serbisu Korpu Bombeirus legalmente konstitui iha Diresaun Nasional Protesaun Sivil iha Sekretaria Estadu Siguransa (SES) nia okos. Tuir Dekretu Lei Governu Nú. 31/2008, artigu 42 sita katak Diresaun Nasional Protesaun Sivil (DNPS) responsabiliza atu halo koordinasaun atividade SES nian iha area prevensaun, protesaaun husi dezastre naturais no fo ajuda protesaaun ba vitima husi dezastre naturais. Sita mos iha artigu ne'e katak DNPS liu husi Korpu Bombeirus fo sokoru, fo garantia salvasaun ba ema nia moris ho sira nia sasan wainhira mosu inundasaun, ahi han uma no situasaun dezastre naturais mosu.⁵

Sita iha ne'e katak DNPS iha kna'ar atu dezemvolve estandar tekniku kona-bá prevensaun oinsa hamete ahi han uma, inundasaun, rai halai, rai nakadoko, en jeral kona-bá dezastre naturais ne'ebé fo ameasa ba ema no sira nia riku soin sira, inklui halo koordinasaun no fo sujestaun ba Ministériu Obras Públiku kona-bá konstrusaun, halo inspesaun edifisiu sira fatin transporte públiku husi aspeitu siguransa no salvasaun nian.⁶

2. Serbisu Bombeirus Timor-Leste

Hanesan sita iha lei, Korpu Bombeirus nu'udar elementu no ajensia Estadu nian ne'ebé hala'o serbisu relasaun ho hamate ahi han uma.⁷ Bombeirus nia serbisu maka hamate ahi no fo ajuda ba ema relasaun ho ahi han uma, fo salvasaun iha tasi ka mota wainhira ró ka ema mout.⁸ Serbisu Korpu Bombeirus mos fo apoiu barak ba comunidade iha tempu dezastre naturais mosu hanesan, ezemplu hanesan kazu inundasaun iha distritu Covalima, Bombeirus tun hodi fo tulun ba ema sira ne'ebé afeta husi dezastre naturais.⁹ Nune'e mos fo salvasaun ba ema sira iha sirku ahi nia laran no iha uma laran wainhira ahi han uma.¹⁰

⁵ Artigu 42 Diresaun Nasional Protesaun Sivil, (pontu 1) Dekritu Lei Nú. 31/2008, Lei Organikú Ministru de Defeza no Siguransa

⁶ Artigu 42 DNPS (pontu 2 (b,d), Dekritu Lei Nú. 31/2008, Lei Organikú Ministru de Defeza no Siguransa.

⁷ Artigu 3, Lei Estatutu Funsaaun Públiku, Lei Nú. 8/2004,

⁸ Maske bombeirus servisu iha area ne'e mos, maibe seidak hetan treinamentu ba ida ne'e.

⁹ Inundasaun Iha Suai, Na'in Tolu Mate, <http://www.timorhauniandoben.com/2013/06/inundasaun-iha-suai-nain-tolu-mate.html>

¹⁰ Ahi-haan merkadu Suai, parte Sul Timor-Leste, <http://noticias.sapo.tl/tetum/info/artigo/1371273.html>

Hanesan iha nasaun sira seluk Korpu Bombeirus la'os hasoru ahi deit dala barak mos ajuda ema ne'ebé sai vitima husi dezastre ba trafiku (asidente trafiku), andar monu, no dezastre naturais ne'ebé akontese presiza Bombeirus nia ajuda.¹¹

Korpu Bombeirus liman-ain Estadu hetan fiar no responsabilidade atu hala'o serbisu respondade ba dezastre naturais ne'ebé mosu, espesial liu ba ahi han uma.¹² Hala'o serbisu, membru Bombeirus dala barak sira la hatais faru ka ekipamentu salva vida nian ne'ebé tuir lolos tenke uza iha tempu hamate ahi. Tamba ekipamentu salva moris ne'ebé sira uza no hatais la suficiente ba membru hotu konsege hamate ahi no la satan manas husi ahi, tamba ekipamentu sira balun bosan no tuan hotu ona. Nune'e mos ekipamentu ne'ebé sira uza, la *sofisticado*, se kompara ho ekipamentu Bombeirus iha Nasaun seluk. Maske sira nia serbisu hanesan, hotu-hotu hasoru ahi ne'ebé manas hanesan.¹³

Iha Nasaun sira adiantadu, ema serbisu ba Bombeirus sai kuiñesidu no favoritu ba labarik estudante sira iha eskola, maibe oinsa iha Timor-Leste? Iha Timor-Leste la iha estudante ida maka hanoin no hakarak sai Bombeirus ne'ebé ninia vensementu ka salariu la suficiente sustenta ninia moris no familia.¹⁴

3. *Atendementu Bombeirus*

Esensi Estadu husi nasaun ida maka atu fo atendementu no serbi ba ninia comunidade, liu husi funsionariu públiku espesifikamente Bombeirus. Tamba institusaun ida harii la'os ba nia a'an, maibe atu serbi comunidade liu husi harii kondisaun ne'ebé diak. Atendementu Korpu Bombeirus ne'ebé comunidade hakarak maka atendementu ne'ebé diak, qualidade no ho profesional, atendementu ne'ebé iha akuntabilidade no responsabilidade nu'udar serbidor Estadu ba povu.¹⁵

Tuir natureza serbisu Korpu Bombeirus durante ne'e atendementu barak liu limita ba iha area hamate ahi han uma nian no atendementu seluk maka fo assistensia ka ajuda ba comunidade, tesi ai ka fiu eletrisidade ne'ebé fo ameasa ba uma comunidade. Nune'e mos wainhira iha atividade nasional ruma hanesan konsertu muzika no eventu internasional Korpu Bombeiru tuir nafatin ho fo ajuda ne'ebé presiza.¹⁶

Maske Korpu Bombeirus fo atendementu maka'as ba públiku hanesan eventu sira mensiona iha leten, maibe comunidade kestiona maka'as nafatin kona-bá Korpu Bombeirus nia atendementu ne'ebé dala barak tarde wainhira akontese ahi han uma. Ezemplu maka ahi han uma 9 iha

¹¹ Entrevista ho Komandante Bombeirus Dili, Sr. Cosme Camelo da Costa, iha loron 1 Abril 2014

¹² [Dinas Pemadam Kebakaran-ANNEAHIRA.COM](http://www.anneahira.com/dinas-pemadam-kebakaran.html), <http://www.anneahira.com/dinas-pemadam-kebakaran.html>

¹³ Volunteer fire chief dies while battling Brazoria County house fire, <http://abclocal.go.com/ktrk/story?section=news/local&id=9511846>

¹⁴ Entrevista ho Komandante Bombeirus Dili, Sr. Cosme Camelo da Costa, iha loron 1 Abril 201

¹⁵ [Kualitas pelayanan dinas pemadam kebakaran di indonesia](http://cleavernotes.blogspot.com/Kualitas_pelayanan_dinas_pemadam_kebakaran_di_indonesia); <http://cleavernotes.blogspot.com/>

¹⁶ Entrevista, Komandante Korpu Bombeiros Dili, Sr. Cosme Camelo da Costa, iha loron 1 Abril 2014.

Bidau Sengol tamba prezensa Bombeirus ne'ebé tarde liu hodi hamate ahi,¹⁷ nune'e mos ahi han Loza Timor-Telcom, Bombeiru kuaze oras ida maka foin to'o iha fatin, sasan barak maka estraga husi incêndó ne'e, maske distansia Korpu Bombeirus mai iha fatin akontesementu la dook ida.¹⁸

Kazu seluk maka ahi han merkadu foin lalais ne'e iha distritu Covalima, ahi han tomak no la aproveita, kamunidade barak maka lakon sira nia sasan, maske ekipa Bombeirus ne'ebé maka mai rega, mais la bele rega halo hotu no lalais, tanba ekipamentu menus no iha kareta ida deit no mos preparasaun bee ba Bombeirus limitadu tebes, entaun ekipa Bombeirus la bele rega hotu no distansia merkadu ba fali be'e mos ne'e kilometru 3 ho balun, ne'e maka difikulta Bombeirus la bele rega ahi ho diak.¹⁹

Problema no dezafiu Bombeirus

1. Lei organiku no rejime uniforme no salarial

Korpu Bombeirus harii no atu halo tinan ba dala sanulu resin haat ona dezafiu no problema barak maka dresaun ne'e infrenta durante ne'e, problema importante maka seidak iha lei organika no estatutu ba instituisaun Bombeirus rasik, estatutu pesoal Bombeirus nian. Rejime ba uniforme no salarial.²⁰ Esbosu lei hirak ne'e antes iha tinan 2010 tama ona iha agenda Konsellu Ministru atu halo diskusaun maibe kaduka to'o ohin loron.²¹

Tuir FM nian hare katak Governu liu-liu Sekretario Estadu Siguransa sei defini serbisu protesau sivil liu-liu serbisu Bombeirus hanesan fali serbisu públiku sira seluk, no maneira atendentu la iha diferensa.²²

2. Infra-estrutura no ekipamentu

Elementus Bombeirus barak maka tuir treinamentu iha rai liur, maibe ekipamentu ne'ebé sira atu utiliza tuir treinamentu ne'ebé sira hetan la iha, ekipamentu sira ne'ebé iha mai maioria husi tempu UNTAET ne'ebé bosan no tuan hotu ona.

Infra-estrutura baziku no facilidade ba Korpu Bombeirus iha nasional no distritu sei menus tebe-tebes. Rekrutamentu ba elementu Bombeirus sira no estabesementu Kuartel Bombeirus iha distritu hala'o tiha ona, no prosesu rekrutamentu la'o dadaun maibe infra-estrutura seidak iha.

¹⁷ "Ahi Haan Uma 9 Iha Bidau", <http://www.timorhauniandoben.com/2012/09/ahi-haan-uma-9-ia-bidau.html>

¹⁸ [www.cjtitl.org Ahi Han Loza TT Bombeiros Mai Tarde](http://www.cjtitl.org/Ahi_Han_Loza_TT_Bombeiros_Mai_Tarde), https://www.facebook.com/cjtitl/posts/108819682520896?stream_ref=5

¹⁹ <http://www.jndiario.com/2014/03/12/ahi-han-merkadu-covalima/>

²⁰ Politika Ministériu Defeza no Siguransa Periodu 2007 – 2012, <http://www.fundasaunmahein.org/2012/08/06/politika-ministeriu-defeza-no-siguransa-periodu-2007-2%80%93-2012/>

²¹ Council of Ministers Legislative Plan Feb-July 2010, http://laohamutuk.blogspot.com/2010_02_01_archive.html

²² Politika Ministériu Defeza no Siguransa Periodu 2007 – 2012, <http://www.fundasaunmahein.org/2012/08/06/politika-ministeriu-defeza-no-siguransa-periodu-2007-2%80%93-2012/>

Hetok liu tan maka iha distritu ne'ebé kuartel harii ba facilidade ba serbisu la iha, ekipamentu atendentu hanesan kareta ida deit, faru protesaun individual, konvistel ba kareta, mangeira menus bo tuan hotu.²³

Wainhira iha akontesementu ahi han uma, sai obstaklu ba serbisu Bombeirus ne'e rasik ne'ebé Bombeirus rasik tenke hasoru, por ezemplu ekipamentu menus, hanesan mota bomba be'e ne'ebé a'at, mangeira kuak, mina kareta laiha dala barak husi tulun husi komidade kona-bá mina wainhira fo ajuda, halo membru Bombeirus sira *suspera (dada iis)* hela deit.²⁴

3. *Rekursu umanu no formasaun*

To'o ohin lora DNPC iha membru hamutuk 285, kompostu husi Korpu Bombeirus hamutuk 204 no funsionariu sivil hamutuk 81 ne'ebé destaka iha Korpu Bombeirus iha teritoriu laran tomak. Iha planu estratejiku, to'o iha 2017 Korpu Bombeirus tenki kobre hotu ona distritu 13, maibe hare ba rekursu ne'ebé iha DNPC sei halo rekrutamentu ba estabese uluk sentru rejional hanesan; sentru rejional Dili, Baukau, Bobonaru, Manufahi, no Oecusse.²⁵

Formasaun rekursu umanu ba Korpu Bombeirus sira, durante ne'e hetan husi Nasaun sira hanesan; Portugal, Malaizia, Brazil no Singapura ba formasaun baze. Dala ruma Korpu Bombeirus mos ba halo formasaun iha rai hirak ne'e ba materia formasaun kontinua, maibe ita nia facilidade la iha, difikulta sira atu aplika materia hirak ne'ebé sira hetan.²⁶

Parte seluk, facilidade ba Bombeirus la koresponde hodi aplika tuir formasaun ne'ebé durante ne'e sira hetan, aplika maka tuir nesidade ne'ebé presiza. Buat sira ne'ebé dadaun ne'e sira hala'o maka premeiru sokoru ba asidente rodaviariu sira, ahi han uma ruma, ai tohar ruma.

4. *Birokrasia nebe difikulta*

Birokrasia iha prosesu orsamentu difikulta serbisu Bombeirus nia ne'ebé ho karater emerjensia sai difisil tanba atraza, demora no limitasaun orsamentu halo serbisu ne'e la sai emerjensia tiha fali, a'at liu maka kuandu assistensia to'o ema ne'ebé atu salva la iha ona iha fatin.

Problema seluk maka, governu investe maka'as iha dezvoltamentu fiziku maibe la kondisiona ho dezvoltamentu protesaun sivil ne'ebé iha papel importante hodi fo protesaun ba edifisiu ne'ebé prevé iha Dekretu Lei Governu Nú. 2/2008.²⁷ Kona-bá kna'ar DNPS seluk mos maka

²³ Ahi Han Merkadu Covalima, <http://www.jndiario.com/2014/03/12/ahi-han-merkadu-covalima/>

²⁴ Intervista ho Komandante Bombeirus Dili, Sr. Cosme Camelo da Costa, lora 1 Abril 2014.

²⁵ Politika Ministériu Defeza no Siguransa Periodu 2007-2012, Relatoriu Mahein Nia Hanoim Nú 02, 06 Agostu 2012

²⁶ Intervista ho Komandante Bombeirus Dili, Sr. Cosme Camelo da Costa, lora 1 Abril 2014

²⁷ Politika Ministériu Defeza no Siguransa Periodu 2007 – 2012, <http://www.fundasaunmahein.org/2012/08/06/politika-ministeriu-defeza-no-siguransa-periodu-2007-2%80%93-2012/>

halo inspesaun ba obra ka konstrusaun uma halo kordenasaun Ministériu Obras Públiku, halo survei no inspesaun ba konstrusaun, fatin transporte nian ba interese públiku.²⁸

5. *Problema qualidade atendimento*

Problema no dezafiu ne'ebé Bombeirus sira hasoru komplikadu tebes. Maske nune'e Korpu Bombeirus sinseru no firme nafatin no simu realidade ne'ebé iha. Sira sente serbisu iha Korpu Bombeirus hanesan vokasaun ida ba sira. Vokasaun ida ne'ebé halo sira prontu iha kualker oras atu hasoru ahi. Sira kontinua treinu nafatin ho espirtu ne'ebé maka'as.

Membru Korpu Bombeirus mos hetan treinamentu no estuda kona-bá teknolojia foun kona-bá oinsa hamate ahi ho lalais, maske ekipamentu ne'e sira la iha. Maske iha dezafiu barak Governu liu-husi Korpu Bombeirus hasoru hanesan infra-estrutura no ekipamentu ne'ebé menus.²⁹

Hanesan públiku hatene, atendimento ne'ebé diak presiza kondisaun ba servidor Estadu hanesan Bombeirus. Atendimento ne'ebé diak sei defisil atu realiza kuandu facilidade infra-estrutura no ekipamentu atu fasilita atu halo atendimento ba comunidade ne'e rasik la suficiente, no sei hamosu dezentendementu no la iha satisfasaun ba atendimento públiku ne'e rasik, no buat ida ne'ebé sai problema relasaun entre Governu ho comunidade iha area atendimento públiku (*public service*) liu-liu kona-bá qualidade atendimento husi Governu liu-liu husi Korpu Bombeirus. Sa tan hasoru kompetisaun iha era globalizasaun, qualidade atendimento husi aparelu Estadu, konserteza hasoru obstaklu no oinsa atu serbisu optimal responde ba preokupasaun sira ne'ebé mai husi comunidade.

Relasaun ho asuntu sira iha leten, akuntabilidade atendimento públiku kona-bá Korpu Bombeirus Timor-Leste en jeral no Korpu Bombeirus Dili espesifikamente, ne'ebé importante atu hatene nivel susesu no failansu Governu espesial Korpu Bombeiru hala'o sira nia serbisu ne'ebé serbisu ba comunidade ka ba povu.

Komunidade konsidera katak atendimento ne'ebé Governu fo liu husi Korpu Bombeirus sei dook husi satisfasaun. Hare husi qualidade serbisu membru Governu espesial Bombeirus no tempu ne'ebé fo ba sira hamate ahi han uma ka kareta dala barak maka demora no tarde.

Saida maka Estadu halo ba preokupasaun hirak ne'e?

1. *Planu Estratejia Nasional SES*

Tuir planu estratejia dezemvolmentu nasional seguransa interna 2030 ne'ebé estabelese sita katak Sekretario Estadu Siguransa agora tama iha faze premeiru halo preparasaun no tau prioridade resolve problema lei, dekretu lei, lei organiku ba diresaun nasional iha SES nian nebe seidak iha, rekursus humanus, formasaun baziku, infra-estrutura (edifisiu), manutensaun,

²⁸ Diresaun Nasional Protesaun Sivil, artigu 42 (g, h), Dekretu Lei Governu no 31/2008

²⁹ Entrevista ho Komandante Bombeirus Dili, Sr. Cosme Camelo da costa, loron 1 Abril 2014.

ekipamentu (kareta, komunikasaun), lojistika hanesan konvistikavel problema sira ne'ebé eziste tenke realiza no resolve ona iha faze ida ne'e.³⁰

Tuir FM nia hare katak iha sasan balun Governu liu husi Sekretariu Estadu Siguransa ba Diresaun sira ne'ebé tutela ba hanesan Diresaun Nasional Protesaun Sivil no Korpu Bombeirus ne'e seidauk rezolve. Se la'o tuir planu no faze ne'ebé iha Governu (SES) tama ona faze premeiru nia klaran, maibe prioridade sira ne'ebé sita iha planu tuir faze, la'o neneik liu. Ezemplu maka Lei Organiku no Rejime Uniforme no Salarial, infra-estrutura, ekipamentu ba korpu Bombeirus sai problema 'laten' ba instituisaun ida ne'e hanesan temi iha leten.

2. *Lina emergjensia 115*

Atu responde ba problema atendentu ne'ebé tarde no kleur Governu liu husi Diresaun Nasional Protesaun Sivil (DNPS) nian lansa markasaun liña emergjensia 115 hodi fasilita serbisu Sentru Nasional de Kooperasaun Operasional ho diak no halo atendentu ba comunidade sira ne'ebé presiza ajuda ho lalais.³¹

Atu atende diak preokupasoen balun ne'ebé iha, Governu lansa ona liña emergjensia liña 115 hodi fasilita, maibe comunidade barak maka la rai número emergjensia Bombeirus nian, wainhira mosu asidente ahi han uma. Karik comunidade sira rai número emergjensia Bombeirus, dalabarak comunidade halimar ho número sira ne'e, ho nune'e wainhira ahi han uma comunidade telefone, membru bombeirus la fiar.

Iha sorin seluk movimentu estrada ne'ebé okupadu no konsiensia ema lori kareta iha estrada halo difikulta sira atraja to'o iha fatin akontesementu ahi han uma. Nune'e mos dalabarak informasaun to'o ba Bombeirus atraja.

3. *Estabelesementu Korpu Bombeirus iha distritu sira*

Atu hakbesik a'an ba iha comunidade, Korpu Bombeirus liu husi Diresaun Nasional Protesaun Sivil (DNPS) halo tiha ona planu harii sede Korpu Bombeirus atu prekore iha teritoriu Timor-laran tomak. Atualmente, Korpu Bombeirus harii ona ninia sede iha distritu 10, sei falta distritu 3 maka seidauk, maibe buat hotu depende ba orsamentu ne'ebé aloka ba instituisaun ida. Husi DNPS halo hela esforsu atu loke tan edifisiu iha distritu sira hotu.³²

Husi inisiu Korpu Bombeirus harii tiha ona iha distritu 3 deit maka iha Dili, Baucau no distritu Aileu no suporta husi Korpu Bombeirus Portugal. Depois de ukun a'an, Governu liu-husi DNPS, loke tan Sede Bombeiru iha Enklave Oecusse, distritu Manufahi, distritu Covalima, distritu Maliana, no distritu Viqueque no distritu Lautem, agora dadaun iha prosesu rekrutamentu. Iha

³⁰ Planu Estratejia Siguransa Interna 2030, Buletin Seguransa, edisaun No. 4, Dezembro 2013

³¹ DNPS Lansa Liña Emerjensia 115 Foun, <http://www.thediliweekly.com/tl/35-jornalen/development/2099-new-emergency-hotline-115-launched>

³² Entrevista ho komandante Korpu Bombeirus Dili, liron 1 Abril 2014.

tinan ida ne'e nia laran iha possibilidade Sede Bombeirus bele harii iha teritoriu Timor laran tomak, hanesan distritu Ermera, Manatutu no ikus liu mak distritu Liquica.

Total membru Korpu Bombeiru Kuartel Dili hamutuk 69 elementus, kompara kuartel sira seluk iha distritu hanesan Baucau hamutuk membru 30, Enklave Oecusse membru hamutuk 30, distritu sira seluk hanesan distritu Aileu Bombeiru hamutuk 22 no distritu seluk-seluk ne'ebé Korpu Bombeirus iha mos hanesan 22 membrus.³³

Governu mos iha hanoin liu husi Diresaun Nasional Protesaun Sivil (DNPS) halo ona planu atu harii tan postu de apoiu Bombeirus rua iha Dili atu hodi fo atende ba comunidade ne'ebé lais. Postu de apoiu Bombeirus sei hari Dili Leste, Comoro no Dili Oeste, Becora atu responde situasaun emerjensia insendi, tamba agora movimentu kareta agora barak ba beibeik ne'ebé bele atraja serbisu Bombeirus to'o lalais iha fatin, maibe planu ne'e depende mos ba orsamentu no rai atu harii postu rua ne'e. Nune'e mos Kuartel Bombeirus Dili mos responde ba iha sub-distritu Atauru tamba tama iha zona operacional Dili.³⁴

Konkluzan

Korpu Bombeirus harii husi ekipa misaun kooperasaun voluntariu Protesaun Civil no Korpus Bombeirus Portugal nian iha tinan 1999, ho objetu halo apoiu comunidade iha tempu emerjensia no ajuda emerjensia ba comunidade.

Depois de ukun a'an Korpu Bombeirus sai hanesan instituisaun Estadu ne'ebé konstitui no estrutura hari'i iha Sekretaria Estadu Siguransa no Diresaun Nasional Protesaun Sivil (DNPS) nia okos, ho kna'ar hamate ahi iha area hotu hanesan, ahi han uma, ai laran, fo ajuda ema ne'ebé iha emerjensia (serbisu hanesan ambulansia), fo salvamentu ba ema mout iha tasi ka bee laran no ikus liu maka fo assistensia no apoiu ba comunidade wainhira mosu dezastre naturais ruma.

Atualmente Korpu Bombeirus harii tiha ona ninia sede iha distritu sira maibe la akompañia facilidade infra-estrutura baziku no facilidade mobiliariu sira hanesan meja, kadeira, armariu no komputer. Sede Bombeirus iha distritu balun, facilidade menus tebe-tebes no defikulta sira halo atenedementu ne'ebé diak ba comunidade. Ezemplu konvestivel ne'ebé la iha, la iha orasmentu ne'ebé adekuaudu atu halo manutensaun ba ekipamentu inklui viatura sira.

Wainhira mosu dezastre naturais Korpu Bombeiru halo funsaun serbisu protesau sivil nian no serbisu emerjensia. Hare husi sira nia serbisu klaru no diferente husi funsionariu públiku sira seluk, maibe Governu liu-liu Sekretariu Estadu Siguransa no Administrasaun Funsau Públiku jeneraliza serbisu Korpu Bombeirus hanesan funsionariu públiku baibain no la iha diferença.

³³ Entrevista ho Komandante Korpu Bombeirus Dili, Sr. Cosme Camelo da Costa iha loron 1 Abril 2014.

³⁴ Bombeirus hakarak kria postu iha pontu estratéjiku, iha sidade laran, hodi nune'e bele fó lalais salvaun <http://noticias.sapo.tl/tetum/info/artigo/1147876.html>

Iha dezafiu no problema barak maka Korpu Bombeiru hasoru iha sira nia serbisu loro-loron durante ne'e, hanesan fasilidade ne'ebé falta no ekipamentu ne'ebé uzadu hotu ona, la iha manutesaun ne'ebé diak .

Problema importante liu maka dezde harii to'o ohin loron, Korpu Bombeirus seidak iha Lei Organika no Estatutu ba instituisaun Bombeirus rasik, Estatutu Pesoal Bombeirus nian. Rejime bá uniforme ka fardamentu no salarial tuir Dekretu Lei Governu Nú. 31/2008. Tuir informasaun esbosu lei hirak ne'e sei iha Diresaun Nasional Protesaun Sivil (DNPS) nian, no foin maka atu halo diskusaun no konsultasaun ho membru Korpu Bombeiru.

Entermus fasilidade ba Bombeirus durante ne'e hetan no apoiu husi misaun UNMIT no UNDP, hodi fasilita ekipamentu báziku ba funsionamentu serbisu protesausn sivil nian.

FM nian hare katak formasaun ne'ebé DNPC halo iha rai liur bara-barak maibe Governu rasik la prepara fasilidade ne'ebé sufisiente, difisil atu aplika materia hirak ne'ebé sira hetan iha formasaun rai liur. Ho ekipamentu ne'ebé modernu hodi atende ba uma andar sira to'o agora la iha, nune'e mos farda protesausn individual menus tebes, husi Kuartel Nasional Bombeirus iha deit 7 husi total 69 pesoal membru Bombeirus ne'ebé iha Dili.³⁵

Rekomendasaun

Hare husi prioridade, nesesinde no ejijensia husi komidade kona-bá atendentu Korpu Bombeirus nian rekomenda ba;

1. Sekretariu Estadu Siguransa liu husi Diresaun Nasional ProtesausnSivil (DNPS) kria no aselera lalais esbosu lei organiku no rejime uniforme no salarial ba Korpu Bombeirus ne'ebé sita tiha ona iha planu estratejia SES nian, hodi nune'e bele valoriza no motivasausn ba Korpu Bombeirus.
2. Aloka orsamentu no kria sistema manutensaun ba ekipamentu inklui Kuartel Bombeirus iha regional ka distritu hodi nune'e bele fo atendentu ne'ebé lais no diak ba komidade.

³⁵ Intervista ho Komandante Bombeirus Kuartel Dili, Sr. Cosme Camelo da Costa, iha loron 1 Abril 2014

Bibliografia

Ahi Han Loza TT Bombeiros Mai Tarde, <http://zefonilves.blogspot.com/2010/11/ahi-han-loza-tt-bombeiros-mai-tarde.html>

Ahi Han Armagem Hotel Macau, Loja Na'in Lakon Osan ho Estimasaun \$750.000, <http://zefonilves.blogspot.com/2010/11/ahi-han-armagem-hotel-macau-loja-nain.html>

Analiza Orsamentu Seitor Siguransa do Estadu ba Tinan 2012: Tuir Prespektiva Sossidade Sivil Nian. <http://www.laohamutuk.org/econ/OGE12/FundasaunMaheinOJE12Seguransa.pdf>

Aniversariu Bombeiros ba dala Sanulu Sab. 08 de Maiu de 2010, 09:55h, <http://timorleste.gov.tl/?p=2899&lang=tp>

Bombeiro hakarak kria postu iha pontu estratéjiku, iha sidade laran, hodi nune'e bele fó lalais salvasaun, <http://noticias.sapo.tl/tetum/info/artigo/1147876.html>

Bombeirus Presiza Ekipamentus, <http://radioliberaldadedili.com/dezenvolvimento/543-bombeirus-presiza-ekipamentus>

Bombeirus Selebra nia aniversáriu ba dasanulu-resin-ida, <http://timorleste.gov.tl/?p=4967&lang=tp&n=1>

Council of Ministers Legislative Plan Feb-July 2010, http://laohamutuk.blogspot.com/2010_02_01_archive.html

DNPS Lansa Linha Emergencia 115 Foun, <http://www.thediliweekly.com/tl/35-jornalen/development/2099-new-emergency-hotline-115-launched>

Dekretu lei do Governu, lei nú31/2008, Lei Organiku Ministru de Defeza no Seguransa.

Etatutu Funsau Publika, Lei No. 8/2004.

Lei do Parlamentu, Lei nú 2/2010, Lei Seguransa Nasional.

Politika Ministériu Defeza no Siguransa Periodu 2007 – 2012, Relatoriu Mahein Nia Hanoín Nú. 02, 06 Agostu 2012

Segundu Komandante sira iha Korpu Bombeirus simu pose, <http://timorleste.gov.tl/?p=6296&n=1&lang=tp>

Volunteer fire chief dies while battling Brazoria County house fire, <http://abclocal.go.com/ktrk/story?section=news/local&id=9511846>